

SEZIONE POESIA SARDA

Giovanni Camboni
 COMENTE EST SU POETA
1° premio (Logudorese)

Su 'eranu t'at abbertu sa mente
 cun su fundu marinu
 pius altu 'e su corpus tou, poeta.
 Naras chi sun beras
 sas tempestas in sas nues,
 sa lezeresa 'e s'abbila,
 sos semenes animales.
 Sun esattos sos montes altos
 cantu sas veridades controlladas.

Tue che se intradu in su coro 'e s'anima
 de sos profundos pensadores,
 e carignas sos versos
 che criadura dae pagu naschida.
 Como tue as sa 'oghe 'e su 'eranu,
 de sas tempestas marinas,
 de su corpus tou lughente,
 de sas nues chi 'ogan rajos.
 As alas e semenes unidos
 a montes de veridades.

Tue ses s'arvure 'e sa paghe
 chi addulchit sas tempestas
 e podes bolare
 dae cabu in cabu 'e su mundu.
 Sos pes tuos non s'istraccan
 e caminan, saltian, curren
 cun ojos de pensamentos.

Das s'ordine a su limbazu
 e lu samunas in liscia
 pro esser nettu e giaru.
 Ses attentu suffrende onzi versu.
 Intendes milli laras movende
 e leas sa veridade a bolu.

Sos intuitos tuos t'ispinghen a soffrire
 finas a cando dae coro
 'nd'essit su cantigu sonante.
 Ses su cantore 'e onzi Istadu:
 sa domo tua est su mundu
 cun sas teulas esattas.

COM'È IL POETA

La primavera ti ha spaziato la mente con i fondali marini più alti del tuo corpo, poeta. Tu dici che son vere le tempeste nelle nuvole, il leggero volo dell'aquila, le sementi animali. Sono esatti i monti alti quanto le verità controllate.

Tu sei entrato nel cuore dell'anima dei profondi pensatori, e carezzi i versi come una creatura appena nata. Adesso hai la voce della primavera, delle tempeste marine, del tuo corpo trasparente, delle nuvole che sprizzano la folgore. Hai ali e sementi unite a monti di verità.

Tu sei l'albero della pace che addolcisce le tempeste e puoi volare da una parte all'altra del mondo. I tuoi piedi non si stancano e camminano, saltano, corrono con gli occhi del pensiero. Tu dai l'ordine al linguaggio e lo lavi con liscivia per esser pulito e chiaro. Sei attento e soffri ogni verso. Ascolti mille labbra che muovono e afferri la verità al volo.

L'intuito ti spinge a soffrire fino all'istante che dal cuore balza il canto sonante. Tu sei il cantore in ogni Stato: la tua casa è il mondo con le tegole esatte.